

بصائر من سورة الفاتحة - ج 33

محمد حسين يعقوب

اعوذ بالله من الشيطان الرجيم. بسم الله الرحمن الرحيم. ان الحمد لله. احمده تعالى واستعينه واستغفره اعوذ بالله تعالى من شرور انفسنا ومن سيئات اعمالنا من يهده الله فلا مضل له ومن يضل فلا هادي له. واشهد ان لا اله الا الله وحده لا شريك له - [00:00:00](#)

واشهد ان محمدا عبده ورسوله اللهم صل على محمد وعلى آل محمد كما صليت على ابراهيم وعلى آل ابراهيم انك حميد مجيد اللهم بارك على محمد وعلى آل محمد كما باركت على ابراهيم وعلى آل ابراهيم انك حميد مجيد - [00:00:17](#)

يا ايها الذين امنوا اتقوا الله حق تقاته. ولا تموتن الا وانتم مسلمون يا ايها الناس اتقوا ربكم الذي خلقكم من نفس واحدة وخلق منها زوجها. وبث منهما رجالا كثيرا ونساء. واتقوا الله الذي تساءلون به والارحام. ان الله - [00:00:35](#)

الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم ويغفر لكم ذنوبكم ومن يطع الله ورسوله فقد فاز فوزا عظيما. اما بعد فان اصدق الحديث كلام الله تعالى - [00:00:56](#)

وان خير الهدي هدي محمد صلى الله عليه وسلم وان شر الامور محدثاتها. وكل محدثة بدعة وكل بدعة ضلالة. وكل ضلالة في النار. ثم اما بعد فاخوتي في الله اني والله - [00:01:13](#)

احبكم في الله واسأل الله جل جلاله ان يجمعنا بهذا الحب في ظل عرشه يوم لا ظل الا ظله اسأل الله ان يجعل عملنا كله صالحا. وان يجعله لوجهه خالصا. والا يجعل فيه لاحد غيره شيئا - [00:01:27](#)

احبتي في الله وما زالت ايام الخير تتتابع سبحان الملك قد اعزر ربنا نعم الرب ربنا فمنذ رجب والخير يتتابع. فشعبان رمضان الحج وهذا شهر الله المحرم عشر ذي الحجة - [00:01:43](#)

ثم عشر المحرم ماذا تريد بعد ذلك ماذا يفعل ربك اكثر من هذا؟ ليكرمك ويهديك ويأخذ بيدك ويرفعك ويعظم اجرک ويضاعف ثوابك ماذا تريد اكثر من هذا فرص متوالية حتى يأتي غدا وبعد غد - [00:02:07](#)

صيام يوم عاشوراء يكفر ذنوب سنة قبله. مر بك صيام يوم عرفة سنة قبل وسنة بعده. مر بك ليالي رمضان فيها ليلة بثلاث وثمانين سنة واكثر فرص قد اعزر ربنا صح؟ - [00:02:34](#)

كريم نسال الله عز وجل ان يتقبل منا ومنكم وبعد كل هذه الفرص للمغفرة والعق من النار ثلاثون ليلة كل ليلة عتقاء من النار في رمضان. ثم عشر ايام ذي الحجة العمل افضل من الجهاد في سبيل الله - [00:02:53](#)

عتق كل هذا وفي النهاية تلقى الله بكبائر تلقى الله بمعاص بعد كل هذه الفرص ان يغفر لك في رمضان وفي غيره. ثم تلقى الله ولم يغفر لك صدق من قال لن يدخل احد النار - [00:03:10](#)

الا وهو يوقن انه احق بها واهلها اللهم انا نعوذ بك من النار وعن عذاب النار لازم كل واحد هيدخل جهنم يبقى عارف يقينا انه يستاهلها وزيادة لذا سبحانه وتعالى - [00:03:29](#)

سماهم اصحاب النار بتوع جهنم اصحابها وقال عن اخرون بل النار مولاكم مولاهم النار نعوذ بالله من النار ومن عذاب النار ولذا هذه الفرص الكثيرة المتواترة المتوالية تحتاج منا الى عزيمة والى استدراك - [00:03:45](#)

امامنا الشهر المحرم وقد مرت منه اليوم ثمانية ايام ماذا صنعت كم يوما صمت ورسول الله؟ ما تصلي عليه صلى الله عليه وسلم، والحديث في صحيح البخاري انه ليس هناك صوم افضل بعد شهر رمضان من صوم شهر الله المحرم - [00:04:07](#)

اكثر فيه من الصيام فرصتك اذا مضى المحرم ستفتقر الى مثل هذه الايام المباركة فرصتك ان تختتم انما الاعمال بالخواتيم. كما قال

النبي صلى الله عليه وآله وسلم ونعود الى قضية - 00:04:27

الصراط المستقيم اللهم اهدنا الصراط المستقيم الصراط المستقيم وما زلت اؤكد من منكم عاش هذا المعنى وهو يصلي وهو يقرأ الفاتحة ان يقول اهدنا الصراط المستقيم قاصدا وعامدا طالبا وراجيا راغبا وراهما ان يهديه الله. فعلا صراط -

00:04:45

مستقيم مين بيعملها ما زلنا الى اليوم نصلي الله اكبر سبحان ربي العظيم سمع الله لمن حمده السلام عليكم عملت ايه كأنه هم ازاحه

من فوق رأسه سبحان الله العظيم - 00:05:17

جاءني اتصال احد الاخوة نشبت معركة كبيرة في مسجد انهم كاتبين بين الاذان والاقامة تلت ساعة. فالتلت ساعة. ما تقيموا الصلاة

طب الامام لسه ما جاش نستنى دقيقتين كمان لا لا لأ. انتم كاتبين تلت ساعة تبقى تلت ساعة - 00:05:36

خناقة على ايه وتلت ساعة بتاع ايه انت قاعد في السجن يا ابني عايز تخرج؟ ده انت قاعد في بيت ربنا في ضيافة الملك مستعجل

ليه؟ وراك ايه السؤال هتخرج تروح فين - 00:05:51

هتروح لمين؟ هتعمل ايه؟ وراك ايه هي دي ما بنقولش اهدنا الصراط المستقيم لو قلنا اهدنا الصراط المستقيم كنا فهمنا القضية لان

زي ما هاقول لك بقى دلوقتي ان من لوازم الصراط - 00:06:07

لزوم الصراط من لوازم الصراط لزوم الصلاة ان ما يبقاش القضية انك تقوم وتقع ده انت تبقى لازق فيه زي ما قلنا في اللقاء الماضي

ان القضية في ان اللي النهاردة بيقوم ويقع على الصراط يوم القيامة - 00:06:25

بتقولوا معي هيقوم ويقع اه مش الرسول قال كده ما تصلي عليه صلى الله عليه وسلم دحض مزلة منهم من يمر كالبرق ومنهم من

يمر كالريح وكاجاويد الخيل ومنهم من يحبو حبوا - 00:06:43

ومنهم من يقوم مرة ويقع مرة فمسلم مخدوش ومكردس في جهنم اللهم انا نعوذ بك من النار قلنا عليها غطايف الصراط بتاع

القيامة زي ما الدنيا هنا فيها فتن. هي الخطايف دي هي ايه - 00:07:00

ما الرسول قال كده ما تصلي عليه الحفت النار بابه بالشهوات ما هي الشهوات دي ايه قطايف خطايف بتخطف الناس انزر الى

الصراط رأي عين ان احنا كلام الليلة في - 00:07:19

الثبات على الصراط كيف يكون؟ واستعجلنا وزكرنا اول سبيل للسبات على الصراط لزوم الصراط انك تلزق فيه ونحن في زمن التلون

اخبارك ايه يا عم الشيخ عمرو؟ اخبارك ايه يا احمد؟ اخبارك ايه يا عم عبدالعزيز؟ اخبارك ايه يا محمد؟ اخبارك ايه يا فلان؟ -

00:07:38

ادعي لنا ادعي لك بابه وانا قلت قبل كده ان كلمة ادعي لنا دي وراثه يهودية قالوا يا موسى ادع لنا ربك ادعي لنا وبقت لازمة على

السنة الاخوة يدعو لنا ربك - 00:08:00

طب ما تعملوا انتم اللي يريبوا ربكم اعمل لا ادعي لنا لذلك انظر الى وصف الصراط رأي عين يقول رسول الله ما تصلي عليه صلى الله

عليه وسلم ضرب الله مثلا - 00:08:18

بالصراط وعلى جنبتي الصراط سوران وفي السورين ابواب وعلى الابواب سطور مرخاة وعلى رأس الصراط داع يدعو يا ايها الناس

استقيموا ولا تعوجوا فاذا اراد احد ان يفتح الستر يقول ويحك - 00:08:35

وفي رواية ويلك لا تفتح فانك ان تفتحته تلج صليت على الرسول وصف في منتهى الدقة والوضوح دي الصراط اللي احنا ماشيين

عليه في الدنيا دي وصف واضح جدا صراط مستقيم - 00:09:02

وعشان كده قل اول عامل دي نمرة واحد بقى سيبك من كل اللي فات اول عامل من عوامل الثبات على الصراط معرفة الصراط انت

تعرف الصراط المستقيم؟ عارفه شكله ايه - 00:09:22

عرفوا ازاى يتمشى عليه عرفوا ايه الابواب اللي عليه عرفوا طوله قد ايه تعرف ايه عن الصراط المستقيم وانت بتقول اهدنا الصراط

المستقيم عايزين نعرفهم ايه هو الصراط ده؟ شكله ايه؟ نمشيه ازاى - 00:09:36

محتاجين نعرف الصراط المستقيم ربنا سبحانه وتعالى يقول وان هذا صراطي ها مستقيما فاتبعوه ولا تتبعوا السبل فتفرق بكم عن سبيله وان هذا صراطي مستقيما. يبقى اول صفة في الصراط عشان تعرفوا انه مستقيم - [00:09:54](#)

يعني ايه مستقيم؟ ما بيعوجش يمين ولا شمال هو مستقيم. خط مستقيم اقرب مسافة بين نقطتين هو ايه الخط المستقيم اللي هو اقرب مسافة بين الدنيا والجنة قال رسول الله - [00:10:13](#)

صلى الله عليه وسلم لا الجنة اقرب الى احدكم من شرك نعله والنار مثل ذلك قريبة جدا. انت بينك وبين الجنة ايه تخرج روحك تدخل الجنة او تدخل النار وخروج الروح وارد يا جماعة ياخذ قد ايه وقت - [00:10:29](#)

ده الرسول ما تصلي عليه صلى الله عليه وسلم قال فاذا خرجت روحه لم يدعها هؤلاء الملائكة في يده طرفة عين. حتى يكفنها في هذا الكفن ويحنطوها في هذا الحنون - [00:10:47](#)

من الجنة وحنوت من الجنة او من النار يبقى في لحظة الروح تدخل جنة او نار هتروح على فين يا عبدالله الناس بتموت اليومين دول وبسرعة جدا وبمنتهى البساطة واطن اللقاء الماضي قلت ان فيه اتنين من اخوانا - [00:10:59](#)

السبت والحد اللي فاتوا ماتوا فجأة احنا بنقول فجأة لكن القضية مش فجأة كلنا يا جماعة كلنا ارسلت الينا رسل كلنا حصل له تمهيد انه هيموت اليومين دول كلنا اتته رسل ربه - [00:11:19](#)

بتمهيد انه هيموت وهيموت اليومين دول فتاة الرسل انا لما باقول لك قصة الاخ اللي مرض ثلاث ايام واكتشفه عنده سرطان مات لما قلت لك القصة دي دي رسالة مبعوثة لك. ربنا بيقول لك اهو هاموتك زي ما موتهم - [00:11:40](#)

الرسالة اتبعنت لك ووصلت افهم واسبت لذلك لازم تجهز النهاردة كل يوم والتاني عمال تسمع قصة فلان مات الان في حادثة عربية فلان جا له سرطان في ودانه. وفلان جا له في صدره. في قلبه - [00:11:59](#)

ولا يخدعك الكلام هتموت الصراط مستقيم واول سبيل للثبات عليه معرفته لذلك قال الرجل لرسول الله صلى الله عليه وسلم قل لي في الاسلام قول لا اسأل عنه احدا بعدك. قال قل امنت بالله - [00:12:22](#)

ثم استقم هو ده قول في الاسلام ليس هناك قول بعده استقم اوامر ربنا سبحانه وتعالى فاستقم كما امرت هي دي الاستقامة يا جماعة الاستقامة على الكتالوج على المصحف كنت بقول في خطبة امبارح - [00:12:44](#)

ايه الفرق بينك وبين صنم من الجرانيت ايه الفرق بينك وبين تمثال من الجرانيت؟ ايه الفرق فيه فرق ولا ما فيش اللي يقول في فرق يبقى غلطان ما فيش نسبة - [00:13:09](#)

انك تقيس طينة الحي صح؟ ولا فيه اقيسك انت راجل عندك عنين واذنين ولسان وشعري بيطول ويقصر وآآ بتجري وتتحرك وبتنبض وتاكل وتشرب وآآ والى اخره. الى تمسال من الحجر - [00:13:27](#)

ينفع نقيس النسبة دي هذه هي النسبة بين شرع الله وشرائع البشر صليت على الرسول الفرق بين شرع ربنا وشرائع البشر هو الفرق بين الحي والصنم شرع ربنا حي قال سبحانه يا ايها الذين امنوا استجبوا لله وللرسول اذا دعاكم - [00:13:47](#)

لما يحييكم ربنا سبحانه وتعالى بيقول وكذلك اوحينا اليك روحا من امرنا فلذلك انت من غير شرع ربنا صنم انت طين انت تراب انت جامد انت صنم صنم في ناس عايشة كده - [00:14:12](#)

بدون مشاعر ولا احساس ولا عقل ولا بصر ولا رؤية كتلة من الثلج موتى لذلك انا بقول لك اهو ان الصراط المستقيم بقى عليه حياة ناس عايشة بيتفاعل ويتعامل مع شرع ربه - [00:14:34](#)

بيصلي فبيبكي وهو ساجد بيقوم بالليل من عز نومه بيحس بلزة في مناجاة ربه لوحده. ناس عايشة هي دي الناس اللي عايشة صايم عند الفطار بيرجو رحمة ربه بيدعي بيطر مستني مستنيين يوم تسعة وعشرة عشان نصومهم. خلص تسعة وعشرة مستنيين الخميس. خلص الخميس مستنيين الاثنين - [00:14:55](#)

صلينا الظهر مستنيين عصر. عصر مستنيين فجر عايشين حياة بس في ناس برضو عايشينها بيقولوا عليه الراجل اللي ايه روبات. فيه ناس عايشاها روبات عايشين حتى الدين اوتوماتيك بيتحركوا بكبيوتر - [00:15:21](#)

لكن الناس اللي عايشة لربنا عايشة حياة حقيقية وبرضو الروبوت فيه فرق بين الروبوت وبين وبين الانسان ولا ما فيش برضو ما ينفعش القياس برضو ما ينفعش القياس. اسف في ناس بتصلي زي الروبوت - [00:15:45](#)

مش حاسس بحاجة صلى وركع وسجد وسلم وخرج حسيت بايه ؟ ولا حاجة صوم وفطر حسيت بايه ؟ ولا حاجة قرأ القرآن زي

جورنان مش دي الناس اللي عايشة لذلك ايها الاخوة - [00:16:05](#)

احنا محتاجين نعرف الصراط يعرفوا حقيقة علشان نثبت عليه شف وصف النبي ما تصلي عليه صلى الله عليه وسلم. اول حاجة في

الصلاة انه مستقيم عشان تعرف الصلاة. انه مستقيم - [00:16:25](#)

قال له ايه ؟ قل امنت بالله ثم استقم. قال له الاستقامة دي ايه ؟ عمر ابن الخطاب بقى الراجل كده عمر بن الخطاب يقول له ايه ان

تستقيم على الامر والنهي - [00:16:40](#)

ولا تروغك روغان الثعالب اه ولا تروغ روضان الثعالب يا ثعلب يا ثعلب يا مكار بتلف وتدور على ربنا تلعب على دين ربنا اه للاسف

الشديد هؤلاء الذين يلعبون على الله - [00:16:53](#)

يمكرون على الله كما قال رسول الله صلى الله عليه وسلم. يلبسون مسوك الضأن على قلوب الذئاب جلده لابس جلد خروف بس

القلب قلب ايه بيحسب في الحديث في صحيح مسلم - [00:17:19](#)

لهم قلوب شياطين في جثمان انس فعلا شياطين لهم قلوب شياطين في جثمان انس. حديس في صحيح مسلم نزول لهم قلب بس

قلب ايه قلبي شيطان داخل في دين ربنا - [00:17:40](#)

شيطنة عشان كده قلناهم وصف المنافقين الجدد التحايل والتفاف والتأمل للتملص بيلف ويدور على ربنا ومفكر انه يقدر يغلب ربنا

وانا قلت له كده وهو قاعد معي انت هتقدر تضحك علي - [00:18:02](#)

وتقدر تكذب علي وتقدر تخدعني وتقدر تلف وتدور وتشتغلني كم. لكن مش هتقدر على ربنا ما ينفعش لانه شايف قلبك من جوة.

اللهم سبتنا على الايمان نسأل الله عز وجل ان ينجينا واياكم من الفتن ما ظهر منها وما بطن - [00:18:21](#)

اللهم عافنا من البلاء يا حي يا قيوم الشاهد ايها الاخوة اني استقيموا ولا تروغوا كروغان الثعالب اخونا احمد التزم واول ما دخل

الدين الحماسة بتاعة دخول جيت ده ودايما نقول ان كل شيء جديد - [00:18:39](#)

ببقي فيه طاقة اكبر كده حتى ان الاكسجين المخلوق في المعمل له قدرة على الاشتعال اكبر من الاكسجين الموجود في الجو ده كلام

فيزياء فيه ما ده اكسجين وده اكسجين قال لك لآ. اصل المخلوق في المعمل جديد - [00:19:04](#)

قال لك اللي عنده كتمة في صدره يمشي بين المزارع عشان بيستنشق اكسجين لسة طايح حالا لسة متخلق حالا من الزراعة الخضرا

فببقي اقوى على الانتعاش شاهد ان الملتزم جديد عنده الجدة ديت طايح - [00:19:25](#)

وفجأة فين عبدالعزيز فين محمد ؟ لآ اصل هو مش فاضي الله ! ايه اللي جرى مكان حلو لآ اصل هو هيجيب تليفزيون فيه ما كان

بيعتقد ان التليفزيون حرام لآ اصل مراته قالت له آآ انها - [00:19:43](#)

الله ! طب ما كان بيقول مراته آآ اللي مش عاجبه يطلق لآ اصل ولاده كبروا وبدأوا الله ! ما كان بيقولوا ولادي تحت الجزمة بس ارضي

ربنا وادخل الجنة ايه اللي حصل - [00:20:05](#)

هي دي اللي مش عارف الصراط ببدا يتنازل حته حته واحفز القاعدة ان من يتنازل مرة يتنازل دائما من يتنازل مرة يتنازل دائما

كقانون في الحياة سنة من سنن الله الكونية. ان اللي يتنازل مرة - [00:20:20](#)

على طول هيتناسب هو هيفضل طول عمره يتنازل والمرة بتجر ولزلك اللي عايز يمشي الصح من اسباب وعوامل الثبات ان لا تتلون

في دينك من اسباب الثبات على الصراط لا تلتفت - [00:20:42](#)

سيدنا النبي قال كده صلى الله عليه وسلم قال ايه ؟ وعلى جنبتي الصراط ابواب وعلى الابواب سطور مرخاة والواحد ماشي على

الصراط لو اتلفت كده ستاير على يمين وعلى شمال - [00:21:04](#)

والسطور ديت محطوبة على الببيان فيه سارة سارة واحدة عريانة تماما ما تبقاش فيها اثاره قد ما هتبقى مغطيه تحت صغيرة. تبقى

الاسارة اكبر يعني دائما تلاقيه اللي هو ببص على المنتقبة مغطية كلها ببص على ايه - [00:21:22](#)

على عينيها عمال يبص على بيدور على حته يبص عليها اللي هي هو كده الاسارة كده. فلذلك السطور المرخدي ايه اسارة فعشان كده بالفضل هيرفع الستار يشوف ايه اللي ورا - [00:21:39](#)

في ايه ؟ الويلك لا تفتحه فانك ان تفتحه تلجهم سب الفتن متغطية. اللهم نجنا من الفتن ما ظهر منها وما بطن سيب الفتن مستورة خليك ماشي في سكتك ما تتلفتش - [00:21:56](#)

بص قدامك اتلفت فاتح الستارة دخل جوة بقى عالم تاني اللهم استرنا ولا تفضحنا اللهم نجنا من الفتن ما ظهر منها وما بطن هو راجل طيب وغلبان وكان ماشي في حاله - [00:22:18](#)

فتح بس فتحة صغيرة كده عشان ياكل منها عيش ودخل عالم التجارة دكان وورشة ومصنع وتاه جوة والاخر كلهم كده يوم ما يمرض ويقع يوم ما بيتلى او يفتن واتكلموا يقول آآ - [00:22:41](#)

ما كنتش فاهم مش فاهمها كده خالص انا غلطان ويقول للملك سيف نرجع والملك سبحانه وتعالى ما تزعلوش مني وانا اسف ربنا كريم ورحيم. بس اليومين دول ما ببسبش حد يرجع - [00:23:12](#)

اللي بياخده بياخده ليه ؟ لان الحجة اقيمت بشدة شرايط وكتب وانترنت وكمبيوتر ومساجد ومواعظ وشايفين بعينينا الحجة اقيمت فلذلك وكذلك اخز ربك اذا اخز القرى وهي زالمة ان اخزه - [00:23:32](#)

اليم شديد ان في ذلك لاية لمن خاف عذاب الاخرة اللي بيتاخذ النهاردة ما بيرجعش يا جماعة انا بحملكم امانة واسمحوا لي اقسم عليكم بالله الا في خلال الاسبوع ده - [00:23:54](#)

تزوروا معهد الاورام لازم لازم كلكم تروحوا روحوا الزيارة من الساعة واحدة روحوا الزيارة وشوفوا الناس واقعد جنب واحد كده يقول له ما لك ؟ فيك ايه ايه اللي تاعبك وخليه يحكي لك قصته - [00:24:13](#)

عشان تسمعوا قصص اتعظوا وتفوقوا وتحسوا قبل ما ياخدك لان زي ما قلت لك كده اللي بيتاخذ ما بيرجعش تاني بيقول يا رب بس اقف على رجلي وهتوب بس ما بيقفش على رجله خلاص - [00:24:36](#)

خلصت لان الملك عزيز وما حدش يشترط عليه هو اللي يشترط على الناس سبحانه وتعالى امبارح كده كنت بقول لست حرة فانك لم تخلقي نفسك وانما الذي خلقك الله افمن يخلق - [00:24:59](#)

كمن لا يخلق الا له الخلق والامر لست حرة تلبسين كما تشائين انما الذي يفرض هو الذي خلق لست حرة تخرجين كما تشائين. فالذي يحكم هو الذي خلق لست حرة فالذي يأذن هو الذي خلق - [00:25:27](#)

هي دي القضية وقلت انا بقول بالصوت العالي لست حرة ما فيش حاجة اسمها حرية المرأة. اما لله وحده هذه هي الشاهد ان انت مش حر تعمل اللي انت عايزه - [00:25:53](#)

انت عبد لله ويتصرف فيك كما يتصرف الملاك في املاكهم يشيلك ويحطك ويوديك ويجيبك مالك سبحانه وتعالى يعمل اللي هو عايزه جل جلاله واداك فرصتك على الاخر لذلك ايها الاخوة - [00:26:07](#)

هذا السور وعليه الستارة تفتح تدخل جوة بقى واحدة واقفة على جنب على الطريق. ما لك ومالها اي خدمة يا اختي فتح باب فتنة بس موضوع صاحبنا بقى في سكة النسوان دي - [00:26:28](#)

سنين عك ولك ليل ونهار وجه الاخر قلت لكم قصة اللاتين اللي ماتوا في العربية كانوا راكبين عربية وبيتكلموا في التليفون كل واحد في عربية. بيتكلموا في التليفون اللاتين بيقول له خلاص بقى احنا ايه خلاص قرفنا من الدنيا دي - [00:26:48](#)

كفاية كده انا هاخد لي حته ارض في الصحراوي نروح نعمل مزرعة هناك ونقعد نعبد ربنا بقى قال له طب ما تيجي بقى نتكلم مع بعض العربيتين ركبوا السواقين عربية وركبوا هم اللاتين مع بعض عربية اتقلبت بهم ماتوا - [00:27:07](#)

قبل ما ياخذ الحطة بتاع الصحراوي ما لحقش النهاردة فرصتك ليه ؟ لان هو كان جوة قوي وعشان ييجي من جوة قوي في الصحراوي لحد الطريق دي محتاجة ايه والوقت ميعادش في صالحك - [00:27:26](#)

اللهم تب علينا توبة نصوحة اللهم تب علينا توبة ترضيك فتح الباب باب الشبهات والباب ده بقى واسع اوي اليومين دول عمال تسمع في الراديو وتسمع في التلفزيون تقرا في الجرايد تقرا في المجلات تقرا على الانترنت تسمع على اسطوانات او تقرا تسمع على اشربة شبهات - [00:27:45](#)

على كل شيء في دين ربنا ابتداء من العقيدة وتوحيد الله اسارة الشبهات عليها دخل في سكة الشبهات بس فتح الابه فاتح الستارة حد ضحك عليه يا عم الحاج وقال له - [00:28:09](#)

انت بتسمع واحد بس ليه انت لازم تسمع الناس كلها لأ لازم تفتح دماغك اقرا لكل الناس واسمع لكل الناس واعرف الخير والشر يا اخي لما تعرف الخير والشر لما تبقى قد السبات. اللهم سبتنا على الايمان - [00:28:26](#)

لكن لما يبقى قلبك ضعيف وعندك هوا واي حاجة تدخل عليك ممكن يتضحك عليك ما انصحكش. صح كده ولا لأ اه ما انصحكش هتضيع هيتضحك عليك هيمكر بك دخل صاحبنا سكة الشبهات - [00:28:44](#)

بس والاخر بيقول انا عايز اسأل بس يا عم الشيخ سؤال لو سمحت. اتفضل هو انا مسلم ولا مش مسلم وانت اسمك ايه اسمي محمد مش هتبقى مسلم قال بس انا ما اعرفش التوحيد - [00:29:01](#)

قلت له حتى لو ما تعرفش انت على الفطرة مسلم الاصل فيك انك مسلم لكن لو عندك انت اعمال تخرج من الملة قل لي عندك ايه قال لأ انا ما بعملش حاجة - [00:29:18](#)

طب مين اللي قال لك ان انت مش مسلم هل قرئت شوف الكلام هي الشبهات والفتن تدخل كده اقرا افتح ابحس اسمع شوف رح اتحرك تعرف لأ يا ابني الرسوم ما تصلي عليه - [00:29:32](#)

صلى الله عليه وسلم في بداية الدعوة قفل على المسلمين الباب ما يسمعوش ابدأ لكلام ربنا حتى نهى عن كتابة السنة شف قد ايه توحيد مصدر التلقي عمر ابن الخطاب جاب له ورقة - [00:29:57](#)

فيها مواعظ ما فيهاش حاجة شرع ده مواعظ اه ورقة من التوراة جاب له ورقة كده عمر ابن الخطاب جاب للرسول ورقة كده مكتوب فيها مواعظ من ايقن بالموت فكيف يحزن؟ من ايقن - [00:30:18](#)

المواعظ عجبت عمر والكلام ده اصوله في ديننا فجه للنبي صلى الله عليه وسلم وقال له يا رسول الله هذه ورقة من التوراة فيها مواعظ اعجبنتي امتهوكون فيها يا ابن الخطاب - [00:30:38](#)

والدين ده لعبة اي حاجة نجيبها نحطها في الدين نرشقها متهاوكون فيها يا ابن الخطاب هو تهريج هي امتهاوكون فيها يا ابن الخطاب؟ يعني انتم مستسهلين المسائل هي لخبطة؟ هي عجيبة - [00:30:53](#)

هو طحين؟ بادين قال له يا ابو متهوكون فيها يا ابن الخطاب لو كان موسى حيا ما وسعه يمشي ورايا جايب لي صحيفة من التوراة ففقل على الصحابة الباب بس قرآن - [00:31:11](#)

وبتفسير النبي صلى الله عليه وسلم. تيجي انت النهاردة عايز تقرا لده وتقرأ لده وتقرأ لده وانت غلبان مبتهمش يتضحك عليك ما تفتحش باب الشبهات. خلي الستارة مرخية وامش عارف بيفتح ليه - [00:31:28](#)

لانه واقف عارف بيفتح ليه؟ لانه فضولي بيتفرج عارف بيفتح ليه؟ لانه فارغ ما وراهش حاجة ولزلك خد الثلاثة دول من عوامل السبات على الصراط ما تقفش خليك على طول طالع - [00:31:50](#)

ما تبقاش فاضي ما تبقاش فضولي خليك مشغول احبتي في الله انتهى الوقت المخصص في هذه الحلقة وبقيت من الشريط مادة نكتفي على هذا القدر والحق ما يأتي بما سبق - [00:32:12](#)

ان شاء الله في الحلقة القادمة. احبكم في الله والسلام عليكم ورحمة الله - [00:32:37](#)